

OPH-1435-2022

Vyeimistorroomäigi 1.8.2022 räajist tuáistáázân

Asáttásah, moid toimâväldi miäradâs adelem várás vuáđuduvá

Vuáđumáttááttâslaahâ (628/1998) 37 § 3 mom. (1444/2009)

Asáttâs máttááttâstooimâ pargovievâ kiälbulâšvuotâvátamušâin (986/1998) 9 § 2 mom. (1133/2003)

Miäradâs kalga nuávdittiđ kenigitteht

Koomeet Máttááttâshaldáttâs miäradâs nr 25/011/2005

## Eres kielân ko škoovlá máttááttâskielân já viereskielâlii škoovlâst adelum máttááttâsâst kevtum máttááttâskielâ haldâšem čäittim (OPH-1435-2022)

Máttááttâshaldáttâs lii meridâm, et máttááttâstooimâ pargovievâ kiälbulâšvuotâvátamusâin adelum asáttâs 9 § 2 momentist uáivildum eres kielân ko škoovlá máttááttâskielân (kielâlâvgum- tâi čuosáttâhkielâ máttááttâs) já vuáđumáttááttâslaavâ 10 § 4 momentist uáivildum sierânâs máttááttâsjuávhust tâi viereskielâlii škoovlâst (viereskielâlâš škovlâ) adelum ovdâ- já vuáđumáttááttâsâst máttááttâst vattum máttááttâsâst kevtum kielâ haldâšem puáhtá čäittiđ čodâlditmáin:

1. ollâopâttuvâst ucemustáá 60 uáppučuággá vijđosijd uápuid kielâlâvgum- tâi čuosáttâhkielâst tâi viereskielâlii škoovlá máttááttâskielâst;
2. puoh almolijn kielâtotkosijn adelum laavâ (964/2004) miäldásii totkosân siskeldum uási-iskosijd pajemuu táidutaasijn 5 kielâlâvgum- tâi čuosáttâhkielâst tâi viereskielâlii škoovlá máttááttâskielâst; ovdil ive 2002 čodâldittum totkosist kuittâg táidutaasijn 7;
3. almosiärváduvâi pargovievâst vattum kielâtááiđust adelum laavâ (424/2003) miäldásii staatâhaldáttuv suomâkielâ tâi ruotâkielâ njálmálii kielâtotkos kielâlâvgumkiellân kevtum kielâst totkos táidutaasijn hyvä (pyeri);
4. puoh almolijn kielâtotkosijn adelum laavâ (964/2004) miäldásii totkosân siskeldum uási-iskosijd pajemuu táidutaasijn 5 sâmi-kielâst, ovdil ive 2002 čodâldittum totkosist kuittâg táidutaasijn 7, tâi sâmi kielâlaavâ (1086/2003) miäldásávt uápui ohtâvuodâst čodâldittum kielâiskosâin tâi ollâškovlâuápuigin;
5. máttááttâsteeškovlim olgoenâmijn čuosáttâh- tâi kielâlâvgumkielâin tâi viereskielâlii škoovlá máttááttâskielâst toin iävttoin, et Máttááttâshaldáttâs lii tubdâstâm áášân kullee ulmuu olgoenâmijn čodâldittum totkos máttááttâsteeškovlim olgoenâmijn áammáttohlâšvuodâst adelum laavâ (1384/2015) tâi toin komettum laavâ (1093/2007), olgoenâmijn

čodâldittum ollâškovlâuápui pyevtitem virgekiälbulâšvuodâst adelum (1385/2015) tâi toin komettum laavâ (531/1986), Euroop siärváduv (Euroopan yhteisö) almolij totkosij tubdâstemvuáháduv vuáimán piejâmist adelum laavâ (1597/1992) miäldásávt tâi Máttááttâshaldâttâs lii máttááttâstooimâ pargovievâ kiälbulâšvuotâvátámušâin adelum asâttâs (986/1998) 21 § vuáđuld tuhhiittâm áášán kullee ulmuu čodâlditem uápuid rijttájeijen máttáátteijee pargo várás; tâi

6. ucemustáa pele paajeeb ollâškovlâtotkosin kielâlâvgum- tâi čuosâttâhkielân tâi viereskielâlii škoovlâ máttááttâskielân čodâldittum máttáátteijee kiälbulâšvuodâ pyevtitteijee uápuin Suomâst.

Kielâlâvgum- tâi čuosâttâhkielâ haldâšem čäittim ovdeláa uáivildum vuovvijn váttoo ton tábáhtusâst, et páihálii ovdâmáttááttâsmáttááttâsvuávám mielđ koččâmušâst lii Ovdâmáttááttâs máttááttâsvuávám vuáđustâsâin 2014 uáivildum päikkieennâmlij kielâi arâdis tievâslâš kielâlâvgum ovdâmáttááttâsâst tâi vijđes kyevtikielâlâš ovdâmáttááttâs.

Čuosâttâh- tâi kielâlâvgumkielâ haldâšem čäittim ovdeláa uáivildum vuovvijn váttoo ton tábáhtusâst, et páihálii máttááttâsvuávám mielđ koččâmušâst lii Vuáđumáttááttâs máttááttâsvuávám vuáđustâsâin 2014 uáivildum päikkieennâmlij kielâi arâdis tievâslâš kielâlâvgum tâi vijđes kyevtikielâlâš máttááttâs. Poskâdub kyevtikielâlii vuáđumáttááttâsâst kielâhaldâšem čäittimân rijttáa puoh uási-iskosij čodâlditem čuosâttâhkielâst almolii kielâtotkosist adelum laavâ (964/2004) miäldâsii totkosist táidutaasijn 4.

Tain miärdâssâin komettum miärdâs miäldásávt kiäččoo, et máttááttâskielâ haldâšem čäittâm ulmust lii ain-uv áášán kullee kielâ haldâšem adelidž västideijee máttááttâs.